

մեկնեցաւ յերուսաղէմ : ուրախութեամբ և սիրով՝ հանգերձ իւրովքն ընդ ուխտաւորս տարւոյն 'ի կողմանս Ա.ք.քէի, ուր եգիտ բազում մեծարանս 'ի ճէզար Փաշայէ : Հոգաց թէոդորոս զծախս ճանապարհին եւ զկաթուղիկոսական պարգեւան . (1803, 'ի և Յունվարի) : Յընծայան, զոր առաքեաց թէոդորոս առ Յովհաննէս Պատրիարքն Կոստանդինուպօլսոյ նշանաւոր է պատուական մատանին յակինթ քարամբ (կեօք եազութ . տամայ), որ կարի սիրելի էր ինքեան թէոդորոսի :

Իսկ 'ի սաստիանալ սովոյն եւ նեղութեան 'ի քաղաքն Յոպպէ՝ փախեալ փոքր նաւակաւ իւրովքն հանգերձ Մէհէմէտ Փաշա Ապու Մէրազ և եհաս 'ի Բերիա և անտի 'ի Տիգրանակերտ (յ2 Փետրվարի) : Բարձաւ պաշարումն և բացան դրունք քաղաքին, եւ ազատեցան բնակիչք 'ի նեղութեանց եւ 'ի տառապանաց : Զերծեալ անտի եկին յերուսաղէմ տեսուչք վանօրէից՝ Հայոց, Յունաց եւ Լատինաց, և պատմեցին զանտանելի տառապանս և զաշխատութիւնս իւրեանց 'ի դործ պատերազմին դանիւք, հարուածովք և նախատանօք, զորս կրեցին ինքեանք և ժողովուրդք 'ի ձեռաց բռնաւորին այնմիկ . զյափշտակութիւն և զբռնի պահանջումն դրամոց, որոյ միայն տուեալ էր Ղազար վարդապետ 200 քսակ, առեալ տոկոսեօք աստի եւ անտի . եւ զսաստիութիւն սովոյն, մինչեւ ուտել բնակչաց զմիս դրաստուց եւ այլոց անսուրբ կենդանեաց զաւուրս 20, և զսերմն բամբակի խառնեալ ընդ աղբս և ընդ արիւնս անասնոց եփեալ ուտէին փոխանակ հացի, և զայլ քստմնելի իրս՝ զորս ոչ տանեն լսելիք 'ի պատմելն : Յերեսաց պատերազմին քայքայեցան բազում տեղիք : Տեսուչքն Յունաց և Լատինաց հասեալ յերուսաղէմ կրնքեցին զկեանս իւրեանց 'ի լկանաց անտի . իսկ Ղազար վարդապետ թէեւ տկար՝ վերատին դարձաւ 'ի Յոպպէ, յորդորանօք Պատրիարքին : Սակայն պարտքն Յոպպէի կուտեցան 'ի վերայ թէոդորոսի՝ զոր սկսաւ վճարել նեղութեամբ և տառապանօք, թող զտարեկան սահմանեալ տուրս և զայլ պահանջս այլազգեաց և Բդեյիսից, որոց 'ի հատուցանելն կրէր բազմօրինակ վիշտս : Յեկեղեցին Ս . Աստուածածնի 'ի ձորն Գեթսեմանի տեսուչն Յունաց